

AKASHVANI AIZAWL
REGIONAL NEWS UNIT
REGIONAL NEWS BULLETIN

(MIDDAY)

Tuesday, December 9, 2025

Time - 2:30pm - 2:35pm



LADC

Lai Autonomous District Council inthlana vote tla vawiina chhiar ah party mala sawrkarna siam thei an awm lo a, hetih lai hian MNF candidate tling hnem berin bial 8 ah hnehna an chang a ni.

LADC vote tla te hi tukin dar 8 atang Government Lawngtlai College-a Counting Hall-ah chhiar a ni a, MNF chu bial 8 ah chakin Congress chu bial 7 ah an chak a, ZPM chu bial 6 ah chakin BJP chu bial 2 ah hnehna an chang a, Independent tlinna bial 2 a awm bawk a ni.

MNF chuan thuchhuah siamin Lai ram mipuite chungah lawmthu an sawi a, LADC inthlan result chuan sorkar dinglai ZPM mipuiin an rin tawk tawh lohzia a tarlang Chiang hle tih sawiin. MNF MLA neih lohna bial pahniha seat 8 zet laa, MNF-in seat la tam ber an ni chu lawmawm antih thu sawiin LADC-ah MNF kaihhruai sorkar nghet leh chak tak a din ngei MNF chuan a duhin a beisei an ti a ni.

Hetihlai hian ZPM chuan seat la tam ber ni lo mahse kum 2020 LADC inthlanpui atanga an party hmasawna chu lawmawm antih thu an sawi a, candidate thlan tlin te an lawmpui thu an sawi a ni.



UD&PA MINISTER

UD&PA Minister Pu K. Sapdanga'n vawiin khan 'Multi-purpose Community Centre', Zonuam Veng ami leh Aizawl khawpuia mipui veivakte tana chawlh hahdamna tur, 'Aizawl Dawh-Rem', Zodin Square, Vanapa Hall bula mi a hawng.

Multi-purpose Community Centre (MCC) hawna inkhawm hi MCC Conference Hall, Zonuam vengah buatsaih niin Minister in a hawn tak Multi-purpose Community Centre', Zonuam Veng ami hi cheng nuai 500 senga sak a ni a, 'Aizawl Dawh-Rem', Zodin Square ami hi cheng nuai 145 senga sak a ni thung a ni.

Minister Pu K. Sapdanga chuan thu sawiin Multipurpose Community Centre din a nih theih nana sawrkar kaltate'n hma an lolak tawhna te fakin, khawtlang hruaitute inpekna leh inlungualnate chu lawmawm a tih thu a sawi a, Multipurpose centre a nih ang ngeia kawng hrang hranga ram leh hnam tana chhenfakawm, inlungualna leh inpumkhatna thlentu lo ni deuh deuh se tiin duhsakna a hlan a ni.

Minister hian Multipurpose Community Centre a hawn hnu hian Aizawl khawpuia mipuite chawlh hahdamna tur 'Aizawl Dawh-Rem', Zodin Square ami chu a hawng leh bawk a. A hming 'Dawhrem' a nih ang ngeia inrem tak leh inlungual taka mipuite'n chawlh hahdam nan leh inkawmhlum nana an hman turin a hawng a ni.

Aizawl Dawh-Rem ah hian In hnuai kawngpui an-ah two-wheeler parking, Self Help Group Show Room leh Storeroom te a awm bakah, in chhawnglaita hi Sanitation Site Office tur atan hawn thar a ni nghal bawk a; A enkawl zui tur hian Mizoram Florists Association-te nen inremna siam niin anni hian kum khat atan cheng nuai khatin an cheiin an enkawlzui dawn a ni.



MIZORAM STATE POLICY COORDINATION COMMITTEE

Adviser to CM Dr. KC Lalmaisawmzauva kaihhruiin vawiin khan Mizoram State Policy Coordination Committee chu Planning & Programme Implementation Department Committee Room-ah an thukhawm.

Vawiin thutkhawmah hian Bana kaih hnuaiia progress partner-te hmalaknate leh an hlawhtlinna pho chhuahna tur siam leh thehdarh dan tur te, rang zawka progress partner-ten loan an hmuh theih nan bank tam zawk nena thawh ho dan tur te, progress partner loan la hmu lote'n loan an hmuh loh chhan leh an hmuh vat theih dan turte, thil thar chhuah lei leh hralh chungchang te leh thil pawimawh dangte ngaihtuah ho a ni.

He hunah hian Mizoram State Policy Coordination Committee member-te leh Department hrang hrang official-te an tel a ni.



COOPERATION MINISTER

Cooperation Department Minister Pu PC Vanlalruata uapna hnuaiia nimin khan National Cooperative Exports Limited (NCEL) leh Mizoram State Cooperative Marketing & Consumers' Federation Limited (MIZOFED)-te chuan thawhhona thuthlung Memorandum of Understanding (MoU) an ziaik.

Thawh hona thuthlung hi Mizorama agriculture sector leh a kaihhnawhte'n an thil tharte cooperative sector kaltlanga ram pawna an thawnchhuah theihna tura hmalakna pawimawh tak a ni.

MoU hi MIZOFED Managing Director Pu Lalhruiitluanga leh NCEL Managing Director Pu Unupom Kausik te'n pawl pahnih hotute hriatpuinain an hming an ziahnna a ni.

Registrar of Cooperative Societies Pu John L.T. Sanga chuan NCEL leh MIZOFED-te thawhdunnain Mizorama cooperative society-te tana tun hmaa la hmuh ngai loh remchanna a kawhmuh tur thu a sawi a. Cooperation Department Commissioner Pu Udit Prakash Rai chuan he MoU-in an thil tharte ram pawna thawnchhuak theia a siam avanga Mizorama cooperative-te tana hma hun eng a siamsak dan a sawi bawka a ni.

NCEL hi kum 2023 khan Multi-State Cooperative Societies Act, 2002 hnuaiia din niin, India rama cooperative sector thil siamchhuah thawnchhuah kawnga hmahruiitu a ni a. GCMMF (AMUL), IFFCO, KRIBHCO, NAFED leh NCDC te leh cooperative pawl lian dangte hman lar niin, NCEL hi cooperative-te thil siamchhuah ram pawna thawnchhuah lamah a bul atanga a tawp thleng - lakkhawm (procurement), sawngbawl (processing), chhinchhiahna siam (branding) leh zawrhchhuah (marketing) - kalpui tura thuneihna pek a ni.



AIZAWL SUMTUAL

Urban Development & Poverty Alleviation (UD&PA) Minister Pu K. Sapdanga chuan, nimin khan Aizawl Smart City Ltd. (ASCL) hmalaknaa din 'Aizawl Sumtual', MINECO hmun ami chu a hawng.

Minister Pu K. Sapdanga chuan mipuite tana lenthawvanna hmun nuam tak 'Aizawl Sumtual' sak zawh a ni chu lawmawm a tih thu leh hetiang hmun ngaihtuahchhuak a, a taka chan tirtu ASCL-te thawhrimna chu fakawm a tih thu a sawi a. Minister chuan kan pi leh pute duhtusam sang ber chu pialrala faisa rin a nih ang khan tunlai thangtharte tan Aizawl Sumtual faisa rin chu thil nuam leh hlimawm tak a nih tur thu a sawi a ni.

'Aizawl Sumtual' hawna inkhawmah hian ASCL CEO Pu CC. Lalchhuangkima hnen atangin technical report ngaihtlak a ni a. A hmun enkawlzuitu tur Mizoram Handloom Industry neitu Pi Lalthazuali hnenah he hunah hian kum 2 chhung atan inremna hlan nghal a ni bawka.

Aizawl Sumtual hi cheng nuai 1012 chuang senga sak niin, hna thawktu (contractor) atan M/S Mizoram Development Agency rawih an ni a, kum 2023 September ni 5, 2023 khan an thawk tan a, kumin November ni 30, 2025 khan zawh fel a ni. He hmun enkawlzui tur hian open tender chhang sang ber Mizoram Handloom Industry, Tanhril Vengpui thlan an ni a, thla tin cheng nuai 3 sing 5 zanga sawmnga panga chu ASCL-ah an chhunglut dawn a. Mipui tan December 15 atangin tlawh theih a ni dawn a ni.

